

سنه لکی در سعادت ایچون مجیدیه
یکرمی غروش حسابله التمش
غروشدر

طشره ایچون بوسته اجرتی اوله رق
اون بش غروش ضم اولنور

نسخه سی ۴۰ پاره در

حکایت عدلیه

آبونه اولمق ایستینلردائرة عدلیه ده
اداره مخصوصه سنه مراجعت
ایتملیدر

اعلانانک بهرنندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. ساریاتی امور عدلیه ده متعلقدر

تَبْلِیغات

انجمن عدلیه دن تنظیم واعطا قلنان مذکره در:

مدرسیندن علی رضا افندینک مسکن شرعیسی
اولوب محمد ناجی افندی به مرهون ودیکر الاجقاولری
جانبندن دخی بدل رهنک فضلہ سی محجوز اولسندن
طولانی موقع مزایده به وضع اولنه رق مشترسی
عهده سنه حاله سی اجرا قلنان بر باب خانہ نک بدل
مزایده سنندن مرتہن مومی الیهک الاجنی تسویه
اولندقدن صکره متباقی سککز بیک یوز الی
غروشک بر سکنا تدارکی ایچون طرفه اعطاسنی
مدیون مومی الیه بیان و تذکار و دیانر دخی مبلغ
مزبورک غرامه کندولرینه توزیع و تقسیمی اداسنده
اصرار ایتمکده اولدیغندن بحتله استفسار معاملہ بی حاوی
سلانیک ولایتی مرکز بدایت محکمه سی ریاست اولاسنک
شقه سی اوزرینه بدل رهنک فضلہ سی اولوب دائرة
اجرا ده محفوظ اولدینی صورت اشعاردن منفهم اولان
مبلغ مذکورک دیکر الاجقاولره غرامه توزیع
واعطاسی لازم کله جکی بالحواله انجمنندن ۲۸ اغستوس
سنه ۳۱۹ تاریخله اعطا قلنان مذکره ده بیان اولنه رق
اولوجهله محله تبلیغات جوابیه ایفا قلنمشیدی.

بوکره ولایت مذکوره استیناف محکمه سی مدعی
عمومیلکندن تقدیم اولنوب حواله قلنان ۷ شباط
سنه ۳۱۹ تاریخلی شقه ده بدل رهنک فضلہ سی اولان
سالف الذکر سککز بیک یوز الی غروشک نقداً
دائرة اجرا ده محفوظ اولدیغندن اولوبابده اول و آخر
دائرة اجرا ده جریان ایدن معاملات ایله مومی الیه
علی رضا افندینک مراجعت واقعه سنندن بحتله تکرار
استفسار کیفیت اولنقدن ناشی موقوف اوراق اجرائی
تدقیق و مطالعه اولندی.

مألرندن منفهم اولدینی اوزره مومی الیه ناجی
افندی به مرهون اولان مذکورخانه اولاد دفترخاقانی
مأموری طرفندن اصول موضوعه سی دائره سننده
موقع مزایده به وضع ایدیلرک یکرمی اوج بیک غروش
بدل مقابلنده مرتہن مومی الیه عهده سننده تقرر ایدیلدی

کبی مؤخرأ دیکر الاجقاولرک دائرة اجرایه وقوع
بولان مراجعتلرینه مبنی بدل رهنک فضلہ سی اوزرینه
وضع اولنوب حکماً تصدیق قلنان حجزدن طولانی
تکرار اجرا قلنان مزایده نتیجه سننده دخی ینه یکرمی
اوج بیک غروش بدل ایله مومی الیه ناجی افندی
عهده سننده قالمش و مدیون مومی الیه علی رضا افندینک
استقراض ایدیلدی مبالغ مقابلنده مذکور خانہ بی
برمنوال محرر ترهین و ختام مدته تسویه دین ایتمدیکی
صورتده بیع و فروخته و کالت دوریه ایله آخرینی توکیل
ایدرک اساساً حجز و فروختدن مصون اولان سکنا سنک
شو صورتله صالتسنه موافقتله بوبابده کی حق قانونیسی
اسقاط ایتمسندن ناشی بدل مزایده فضلہ سنک مسکن
تدارکی ضمننده کندوسنه اعطاسی لزومندن عبارت
بولنان مستدعیات واقعه سی شایان قبول اولدینی مثللو
مومی الیه ناجی افندینک مطلوبات ممتازه سنک معامله
محسوبیه سی اجرا قلندقدن صکره نقداً اعطاسی لازم
کلان سککز بیک یوز الی غروش ده دائرة اجرا ده
موجود نظریله باقلمق طبعی و بدل رهنک فضلہ سی
اولان مبلغ مزبورک دخی دیکر الاجقاولره غرامه
توزیع و تقسیمی مقتضی بولنش اولدیغندن تبلیغات
سابقه نک شایان تعدیل و اصلاح برجهتی کوریه مدیکنک
جواباً مذکور استیناف مدعی عمومیلکنه اشعاری
تذکر قلنمشدر.

عدلیه نظارت جلیله سنده عدلیه مفشیرله محاکم
استینافیه مدعی عمومیلرینه نظیر قلنانه غیرات عمومی
صورتدر:

مأمورین کفالتنامه لری حمیدیه حجاز تیمور یولنه
مخصوصاً طبع و فروخت اولسان اوراقه تحریر او-
لنسدینی کبی کفالت یوقلمه لری نک دخی اشبو اوراقه
یازلمی لازم کلوب کلیه جکی بعض طرفدن استفسار
اولنسی اوزرینه کیفیت قومیسون عالیجه لدی المذاکره
کفالت یوقلمه لری تجدید کفالت قیلندن اولسنه بناء
بولرک دخی مطبوع کفالتنامه لره تحریری قرارلشدیر-
یلهرق اکا کوره ایضای مقتضاسی قومیسون عالی

نامه شرفوارد اولان ۱۹ مارت سنه ۱۳۲۰ تاریخلی
تذکره سامیه ده امر و اشعار بیورلمش اولدینی بیانیه
نظارتجده اجرا ایجابی مذکور تیمور یولی اداره
مالیه سی نظارت جلیله سنندن باتذکره ازبار قلنمش
اولغله بعد ازین او یولده ایضای معامله اولنق و لازم
کلنره تبلیغ ایدلمک اوزره اشبو تحریراتک نسخ
مطبوعه کافی سی لفا ارسال قلندی.

محاکمات و مقررات

در سعادت منابت حکم سنده:

طوپخانه عامر ده منسوب برنجی اعدادی
صنایع الای افراندن ایکن اسکندریه به فرار
ایدیلدی ادعاسیله متهم اولان درامه لی حمدی بن
حاجی احمد در دست ایدیله مدیکندن تاریخندن
اعتباراً جانب ریاستدن کندوسنه مجدداً اون
کون مهل اعطا قلنمشدر مهل معین ظرفنده
محکمه به کلدیکی حالده قانونه اطاعت ایتماش
نظریله باقیله رق حقوق مدنی دن اسقاط قلنه.
جنفی و علیهنده دعوا به قیام اولنه جنفی و بوسره ده
بر کونه ادعایه حق اوله میه جنفی و اموالنک حجز
آلته آلنه جنفی و بالجمله ضابطه عدلیه مأمورلرینک
کندوسنی طومتغه مجبور بولندقلری کبی معاملات
حجزیه حقنده دخی مدعی عمومیلکنه تبلیغات
مقتضیه اجرا ایدلدیکی جهته اصول محاکمات
جزائیة قانوننک اوچوز یتیش برنجی و اوچوز
یتیش ایکسجی ماده لرندن استنباط اولنان احکامه
توفیقاً اشبو قرارنامه بالتنظیم اعلان اولنور.

کوزلی قریه لی مریم اوغلی داودی قتل ابتدکی ادعا اولمئسندن دولای جنایتله اتهام اولان قریه مذکورلی مارقار ولد بدروسک اون بش سنه مدته کورکه قونلئنه دائر دیار بکر ولایتی استیناف محکمه سی جزا دائره سندن ویریلان ۲۳۰ نومرولی اعلام یانیه نك سودیه زر قریه سندن زقونك لیلای و مسلحاً ماندره سنه کیدرک قیونلرینی اخذ و غصب ایلدیکی ادعا اولمئسندن دولای جنایتله اتهام اولان اولاح یورغو شوطه نك اوج سنه مدته کورکه قونلئنه دائر یانیه ولایتی استیناف محکمه سی جزا دائره سندن ویریلان ۸۶ نومرولی اعلام

جعه قضاسنك غراماتیق قریه سندن تیور بن عزیز قتل ایتسندن دولای جنایتله اتهام اولان قریه مذکورلی شعبان بن ایوبك اون بش سنه مدته کورکه قونلئنه دائر سرفیجه سنجاغی بدایت محکمه سی جزا دائره سندن ویریلان ۱۱۳ نومرولی اعلام حسییه بنت یوسفی ضرب و جرح وصول قولنی عملدن اسقاط ایلدیکی ادعا اولمئسندن دولای جنایتله اتهام ایلایان روجوز قضاسنك بدن ایلچه قریه سندن صالح بن هتک اوج سنه مدته کورکه قونلئنه دائر درامه سنجاغی بدایت محکمه سی جزا دائره سندن ویریلان ۱۹۷ نومرولی اعلام شيله قضاسنك ییلان یتاغی قریه سندن سلیمان اوغلی حسن محمدک صانلقلرینی احراق ایلدیکی ادعا اولمئسندن دولای جنایتله اتهام اولان قریه مذکورلی کونلکچی اوغلی اسماعیلک اوج سنه مدته کورکه قونلئنه دائر درامه سنجاغی بدایت محکمه سی جزا دائره سندن ویریلان ۱۵ نومرولی اعلام

کوک علینک کیفیت قتلدن دولای جنایتله اتهام اولان یوسف کهیانک اون بش سنه مدته کورکه قونلئنه دائر درامه سنجاغی بدایت محکمه سی جزا دائره سندن ویریلان ۱۵ نومرولی اعلام

مغله قصبه سی خارجنده کائن حاجی قاضی زاده دکرمانی باصردق و بورک ولی نام شخصک دخی انائی راهده اوکنه چقه رق پاره سی اخذ و غصب ایلدیکی ادعا اولمئسندن دولای جنایتله اتهام ایلایان یابوشچی سعدالدین بن حاجی محمد و مصطفی بن علی و خلیل ابراهیم بن اسماعیل و محمد بن علینک اوجر سنه مدتلره کورکه قونلرینه دائر منشا سنجاغی بدایت محکمه سی جزا دائره سندن ویریلان ۲۱۳ نومرولی اعلام

تباطلی عشرت سندن همت اوغلی خلیل و رفیق مرتضی بن حسینک کیفیت قتلرندن دولای جنایتله اتهام اولان مصطفی بن بلاط حسین و سلیمان بن

مصطفانک اون بشر سنه مدتلره کورکه قونلرینه دائر آیدین ولایتی استیناف محکمه سی جزا دائره سندن ویریلان ۳۹۱ نومرولی اعلام کورک بکر قریه لی خضر بن حسن حسینی ضرب ایدرک وفاتنه سبیت ویردکاری ادعا اولمئسندن دولای جنایتله اتهام اولان قریه مذکورلی ابراهیم بن عبدینک بش و رفیق خلیلک اوج سنه مدتلره کورکه قونلرینه دائر سواس ولایتی استیناف محکمه سی جزا دائره سندن ویریلان ۲۹۰ نومرولی اعلام محکمه تمیز جزا دائره سنجه تصدیق اولمشدر .

۲۶۵ نومرولی نسخده مندرج درسمادت جنایت محکمه سی اعلامنك مابعدی :

حقنده تأکیداً تحری مذکره سی یازمش اولان باولینک برینه کچن محاکمه اظهار حق مدار اولمق اوزره استماع ایدیلان آندریا ولد علیکسی و رودایدرک اسمنک آندریا ایدوککی و استطاق دائره سنده سهواً باولی یازمش اولدیفنی بیان و معاون مومی الیه دخی باولی نامیه اقامه ایتدکاری شاهد بو آندریا اولدیفنی و اسمنک تصحیح ایدلسنی در میان ایتلریله مرقوم آندریانک مته ایه مقتوله مناسبت و قرابت و خصوصتی اولدیفنی لدی السؤل اکلاشدقندن و اصولی وجهله تخلفی اجرا قلندقدن صکره مواجهه تکرار استماع ایدلکده استطاق دائره سنده سبق ایدن افاده سنه موافق اولان وضبط سابقده مندرج بولنان افاده سی تکرار و مته رفت انشای فرارنده النده بولنان قانی آنه رق مذکور قانی پولیسارک بولدیفنی و وقعه کیجه سی حریق و قوعوبولوب بولدیفنی بیلدیکی و دیدیکی رفت حاضر بولنان مته ایدوککی و بولده بولنان باستونک سرخوشک اولدیفنی و مقتولک مته اوردیفنی علاوه مقال ایتدی .

مته رفت بوشاهدک مقتولک ارقداشی اولدیفنی جهته شهادتی قبول ایتیه جکی سوبلیدی . جانب ریاستدن اظهار حق مدار اولمق اوزره جلی تنسب ایدیلوب دعوت واقعه مبنی کلش اولان غلطه مرکزنده مستخدم پولیس چاوشی اوتوز سکر باشند عربکرلی مصطفی افندی بن احمد دخی حضور محکمه یه چیقاریله رق لدی السؤل مته و مقتوله قرابت و مناسبت و خصوصتی اولدیفنی اکلاشدقندن و کندوسنه اخطارات لازم ایفا قلندقدن صکره استماع ایدلکده مقتول واسیل مجروحاً قره غولخانه کتوریلره کده افاده سی ضبط اولدیفنی صره عقی باشند اولدیفنی حالده قره غولخانه ده بولنان مته رفتی ارايه ایه بی اودان بودر دیدیکی ایشدیکی افاده ایلدی .

مته رفت سبب بیان ایتیه رک بوشاهدک شهادتی قبول ایتیه جکی سوبلیدی . مته رفت طرفدن مدت قانونیه سی ظرفنده اعطا قلنان مدافعه شهودی استدعا نامه سنده اسمایی محرر اولوب دعوت واقعه مبنی ورود ایتدکاری خبر ویریلان شاهدلرک نه کی اخبارانده بولنه جقاری مته ک و کیلی محمد طلعت بکدن صورلدقده مته ک یلکنده کوریلان قانک سبب حصولنی و مته مرقومک وقعه دن اوج بش دقیقه مقدم قهوه خانه کلدیکی سوبلیه جکری در میان ایتمه ک شهود مرقومه برریر حضور محکمه یه چیقاریله رق لدی السؤل مته ایه مقتوله قرابت و مناسبت و خصوصتاری اولدیفنی اکلاشدقندن و علی الاصول تخلفاری اجرا قلندقدن صکره منفرداً استماع اولندقلرنده بولردن کرج قو- سنده معونه جی اوتوز بش باشند طر بزونی طوفان بن ابراهیم برکیجه قهوه خانه ده اوطورمقده ایکن قاسم باشاده حریق وقعه کلدیکی خبر آنقله مته رفت برادری و ساثر ایه محل حریق کیدرک عودتنده الی چیزلش اولدیفنی کوردکارندن سببی صورقلرنده چوقدن اولدیفنی سوبلیکی و صکره سبزه آلق اوزره قهوه خانه دن چیقدیفنی و اوکیجه آدم اولدیفنی ایشدیکی بیان ایلدی .

کرج قوسنده چاشورجی اولوب اوتوز بش باشند بولنان اکیلی عزیز بن مصطفی برکیجه قهوه خانه ده اوطوررکن قاسم باشاده حریق وقوعوبولدیفنی اعلان ایدلسی اوزرینه مته رفت قاسم باشاده عموجه مک خانه سی وارد دیو قالقب کیدرک برمدت صکره عودت ایتدیکی و بالاخره سبزه آلق ایچون قهوه خانه دن چیقدیفنی و مذکور کیجه واسیلک اوردیفنی دخی اخیراً ایشدیکی در میان ایلدی . طوبخانه ده چاشورجی یکر می سکر باشند اکیلی علی بن مصطفی برکیجه قهوه خانه ده بولدیفنی صره حریق وقوعوبولغه مته رفت برادری و ساثرلیله ساعت رفتک النده قان کورمه سی اوزرینه سبب حصولنی صورقدده مرقوم رفت چوقدن اولدی ده رک سبزه آلق اوزره چقوب کیتدیکی سوبلیدی .

کرج قوسنده ترزی یکر می ایکی باشند استانبولی آنکل ولد دیمتری برکیجه قهوه خانه ده ایکن مته رفت برادری و ساثرلیله محل حریق کیدوب کلدیکنده النده قان کورملریله سببی صورقلرنده باستوندن اولدیفنی سوبلکدن صکره سبزه آلق اوزره قهوه خانه دن چقوب کیتدیکی در میان ایتدی .

صاری یارده ساکن رزی قولجیلرندن یکر می یدی باشند طر بزونی خیری اغا بن فیسل برکیجه

قهوه خانه ده اوطورمقده ایکن قاسم باشاده حریق وقوعوبولغه مته رفت و کندوسی ودها بر رفیقیه و حیوانلرله محل حریق کیتدکاری صره ده رفت کندوسنک النده کی چوغی چکوب الدیفنی و قاسم باشند عودتلرنده رفتک سبزه آلق ایچون کیتدیکی و براز صکره مرقومک قره غولخانه ده اولدیفنی ایشدیکی بیان ایلدی .

کرج قوسنده صندالچی اون طقوز باشند طر بزونی قسطی ولد خرستو وقعه کیجه سی ساعت اوج راده لرنده مته رفت برقاچ ارقداشیله محل حریق کیدوب عودتنده النده بولنان قان ایچون ارقداشمک النده کی چوغی چکرکن اولدی دیدکدن صکره ساعت درت راده لرنده سبزه آلق ایچون کیتدیکی و فرداسی واسیلک قتل ایلدیکی ایشدیکی ایتیان ایتدی .

غلطه ده قو ایچنده قهوه جی یکر می باشند ویسل بن محمد علی وقعه کیجه سی ساعت اوچده مته رفت قاسم باشاده حریق محله کیدوب عودتنده النده قان کورلمک صورقلرنده رزی قولجیسی خبرینک چوغی قیواز ایکن الی قسادیغنی سوبلیکی و صکره قهوه خانه دن چقوب کیتدیکی سرد ایلدی .

طوبخانه ده قره باش محله سنده ساکن واپور محله سندن اوتوز باشند طر بزونی عثمان بن علی وقعه کیجه سی ساعت اوچده مته رفت قاسم باشاده حریق محله کیدوب کلدکدن صکره سبزه آلق اوزره کیتدیکی و بالاخره واسیلک اوردیفنی ایشدیکی افاده ایلدی . یه طوبخانه ده قره باش محله سنده ساکن بارکیچی یکر می بش باشند حسن بن محمد برکیجه قاسم باشاده حریق وقوعوبولغه مته رفت ساعت اوچده کندو- سنک حیوانه راکبا حریق محله کیدوب ساعت درتده عودت ایتدیکی و مرقومک النده قان و یاره کورمدیکی سوبلیدی .

کرج قوسنده مقیم کور محله سندن اوتوز بش باشند صوفیه لی حاجی محمد بن صالح برکیجه مته رفت ایکی رفیقیه و بارکیلرله قاسم پاشایه حریق محله کیدوب ساعت درتده عودت ایتدیکی و بالاخره آدم اوردیفنی بیان ایلدی .

استماع اولان مدافعه شهودینک شهادتاری ختام بولدجه نه دیجه مته مدن صورلدقده دیه جکی اولد- یقی سوبلیدی .

(مابعدی کله جک نسخه یه)

خالدک خلیلک اموال منقوله سنه ایراث خسار ایلدیکی ثابت اوله مدیقندن برانته

خیریه خاتمک ، خلیل اغالک اموال منقوله سنه ایراث خسار ایلدیکی ثابت اوله مدیقندن برانته اسماعیلک، مصطفانک اشیاسنی سرفت ایلدیکی ثابت اوله مدیقندن برانته لئون و دیقرانک یکدیگری ضرب ایلدکاری ثابت اوله مدیقندن برانترینه

جهرار نام شخصک شیشه لرینی سرفت ایتدیکی ثابت اوله میان قوچونک برانته رفاثک و نظورده یه ضربه جرائی اکلاشیله مدیقندن برانته

حسام الدینک، قانیه نك خانه سی طاشلرینی ثابت اوله مدیقندن برانته قوچونی ضرب ایتدیکی تبین ایدن باندلینسک اون بش کون حبسنه

فری کوبنده مقیم لئونک خرستونی ضرب ایلدیکی ثابت اولدیفندن اون کون حبسنه حاجیکک کچه سی سرفت ایلدکاری اصولاً ثابت اولان دیو ایه قطار جبارده ساکن محمدک اوجرای حبسلرینه و ختام مدت جزائیه لرنده ضابطه جه کفالته رباطلرینه

بخوری ضرب و مرقومه اطاله لسان ایدن غلطه ده ساکن مناهمک اون کون حبسنه دیونسک زوجهنه اطاله لسان ایدن ادمک ایکی کون حبسنه

روسه دولتی تبعه سندن قبودان باقولوفک یعقوبی ضرب ایلدیکی اصولاً ثابت اولدیفندن کندوسندن برلیرا آلته رق مضروب اعطاسنه

خلاف نظام باروت صاندیقی تبین ایدن عطار قریبی عثمانن ایکیوز غروش جزای نقدی آلمسنه متصرف اولدیفنی خانه سنک باجانی تطهیر ایتد- یرمه رک اشتعاله سبیت ویردیکی ثابت اولان چقور چشمه لی آیتقه دن اوج مجیدیه جزای نقدی اخذینه محمد عزت افندی به اطاله لسان ایدن پولیس نوری افندی دن یارم لیرا جزای نقدی آلمسنه دوکه جی خرستونی ضرب ایتدیکی ثابت اولان ضرب جامعشریفی جوارنده ساکن عبداله لک برهفته حبسنه

خدیجه وراسه خاتملری ضرب ایلدکاری ثابت اولان قاسم باشالی نجیب اغا ایه قاطمه و خیریه وادغلی جمالک بر هفته حبسلرینه اشای مأموریت خالنده پولیس مأموری رمزی افندی بی تحقیر ایدن سحر خاتمدن برلیرا جزای نقدی آلمسنه

بکچی محمدی ضرب ایدن حسنی افندی دن برلیرا آلته رق مضروب اعطاسنه

یونان دولتی تبعه سندن یانینک آغونینک جاملری قیردینی ثابت اولدیفندن مرقومدن اون بش بشلک جزای نقدی آلمسنه قاضی کوبنده ساکن آرابه جی صالحک ابراهیمی ضرب ایتدیکی ثابت اولدیفندن برهفته حبسنه یاغچی قوچونک زیتون یاغی ایه الی قیه انجیری طولاندرمش اولان قاضی کوبنده قوش دینده ساکن یونان دولتی تبعه سندن و یقتور تولاکنک اوج آی حبسنه و کندوسندن بش لیرا جزای نقدی اوله رق تحصیله طولاندرمش اولدیفنی مال بدلنک دخی تضمیننه درسمادت ، بک اوغلی واسکدار بدایت محکمه لری جزا دائره لرینجه قرار ویرلشدر .

اعلانات

بک ارغنی بدایت محکمه سی مرقوم دائره سنده : شورای دولت اعضای کرآمدن زهر زاده سعادتلو احمد پاشا حضرتلرینک، بک اوغلنده قالیونچی قولغلنده فقیر زفاغنده ۱۲ نومرولی خانه ده ساکن وانکل نیقولاییدی افندی ذمتنده آلاجنی اولان قرق طقوز لیرانک تحصیلی حکمنی حاوی محکمه دن استیصال ایلدیکی اعلامک مصدق برصورتی مومی الیه نیقولاییدی افندی نك اقامتگاهنده بولغدنی تحقیقات جاریه ایه آکلاشلسمنه مبنی اصول محاکمه حقوقیه قانوننک یکر می آلتجی ماده سنک فقره اخیره سی حکمه توفیقاً تبلیغ ایدلش عد اولمق اوزره محکمه دیوانخانه سه تعلیق اولدیفنی کی اوراق حوادتله ده اعلان کیفیته ابته دار قلندی .

اعلانات شرعیه احرام دائره سنده : متوفی رائف افندی ورهنه سنک چورکی اصناد فندن حاجی حسین اغا ذمتنده قسمت عسکریه محکمه سندن اعطا قلنان برقطعه مقتضا اعلامی موجبجه آلاجلاری اولان مبالغ معلومه نك تأمین استیقامی ضمتنده محجوز و درسمادت بدایت محکمه سی ایکنجی حقوق دائره سندن ویریلان اعلام ایه فروختی محکوم بولنان قریه عتیق علی پاشا محله سنده قطارجی زفاغنده واقع یکر می اوج نومرو ایه مرقم بر باب اخشاب خانه نك اشبو تاریخ اعلاندن اعتباراً اون بش کون صکره فروخته تثبیت اولنه جفندن طالب اولوب پی سورمک و بوندن زیاده معلومات آلق ایستیانلرک مدت مذکوره ختامندن صکره درسمادت اعلامات شرعیه اجرا دائره سه مراجعت ایلاری اعلان اولتور.

اعلانات نظاميه اجرا دائره سنده :

مهرانك كومتلكچي كيغورق ولد حچاطور ذمتنده
الاجنى اولان مبالغك تأمين استيفاسيچون مرهون
وفروختى محكوم بولنان يكي قبوده كاتب قاسم محله سنده
اورنه زقاقده اوتوزالتى نومرو ايله مرقم تخميناً سكسان
درت آرشون عرصه اوزرينه مبنى درت قادن عبارت
درت اوطه واوزرنده تراجه و آلتنده بر مطبخ و مذکور
خانه نك آرقه جهتمده تخميناً آلتى آرشون آراتلى اولوب
دروننده طلومبهلى قيوبي حاوى بر باب كار كير خانه نك
تمامى التمش بركون ظرفنده اجرا قلنان مزايده علنيه نتيجه
سند عثمانلى ليراسى يوز غروش حسابيله اون درت بيك
غروشده طالبي عهده سنده تقرر ايدرك موقتاً قرار
داده سى كشيده قلنديغندن تاريخ اعلاندن اعتباراً
اوتوز بركونه قدر يوزده بش ضميمه طالب اولانلرك
بي اچقيرلىنى مستصحباً مراجعت ايللرى و مدت
مذكوره نك انقضاسندن صكره ضم قبول اولميه جنى
در سعادت اعلانات نظاميه اجرا دائره سندن اعلان
اولنور .

بدستانى على بكك ، شفيق بك ذمتنده با اعلام
الاجنى اولان مبالغك تأمين استيفاسى ايجون مرهون
وفروختى محكوم بولنان معجونجى قربنده قوروق محمود
محله سنده كوچك حمام جاده سنده واقع تخميناً درت يوز
آرشون عرصه اوزرينه مبنى حرم و سلامق اوله رق
اون بش اوطه و ايكي قيو و بر صهرنجى و تخميناً بيك
درت يوز تيش آرشون باغچي و نصف ماصوره ماء لذيدى
حاوى سكسان سكر نومرولى بر باب قوناق و مشتملا
تنك صرف ملك محلك يكرمى درت سهم اعتباريله
يدى و معين وقف محلك ربى و نصف ماصوره ماء
ماء لذيدك يكرمى درت سهم اعتباريله يدى سهم حصه لرى
التمش بركون ظرفنده اجرا قلنان مزايده علنيه نتيجه سنده
عثمانلى ليراسى يوز غروش حسابيله سكر بيك غروشده
طالبي عهده سنده تقرر ايدرك موقتاً قرار داده سى
كشيده قلنمش اولديغندن يوزده بش ضميمه زياده يه
طالب اولانلرك بي اچقيرلىله برابر تاريخ اعلاندن
اعتباراً اوتوز بركونه قدر در سعادت اعلانات نظاميه
اجرا دائره سنه مراجعت ايللرى اعلان اولنور .

ماليه خزينه جليله سبك شهر امانت جليله سى
وزنه دار اسبقى متوفى عزت افندى ذمتنده غيراز
استيفا محكوم به آله جنى اولان التى يوز كسور بيك
غروشك تأمين استيفاسيچون مديون متوفانك عهده
تصرفنده اولوب ورنه سنه انتقال ايدن ادرنه قيو سى
جوارنده كچه جى پيرى محله سنده صارمشق زقاقنده
واقع اوج نومرو ايله مرقم تخميناً بشيك التى يوز

قرق آرشوندن عبارت مع باغچه خانه عرصه سبك
التيشر حصه اعتباريله درت حصه سى التمش بركون
مدتله اجرا قلنان مزايده نتيجه سنده ليراي عثمانى
يوز غروش حسابيله يدى بيك اوجيوز و محل
مذكورده تكيه زقاقنده بر نومرو ايله مرقم تخميناً
ايكي يوز اللى آرشوندن عبارت خانه عرصه سبك التى
حصه اعتباريله درت حصه سى التى يوز و سلورى
قيوسنده صارمشق محله سنده واقع اوتوزيدى نومرو
ايله مرقم التى بيك التى يوز كسور ذراعندن عبارت
مع اوطه باغچه كذا التيشر سهم اعتباريله درت سهمى
درت بيك غروشده طالبرى عهده سنده تقرر ايدرك
موقتاً قراردادده سى كشيده قلنمش اولديغندن مذكور
عرصه لره مع باغچه اوطه حصه لرينه طالب اولنلرك
وبوندن زياده معلومات آلتى استيانلرك تاريخ اعلاندن
اعتباراً اوتوز بركونه قدر بي اچقيرلىله برابر در سعادت
اعلانات نظاميه اجرا دائره سنه مراجعت ايللرى
اعلان اولنور .

اسكدار بدایت محكمه سى اجرا دائره سنده :

تجاردن قره مانيان آغوب افندي نك ، بكر بليغ
بك ذمتنده با اعلام مع فائض و مصارف محاكمه آله جنى
بولنان مبالغك تأمين استيفاسى ضمننده وفاء مفروغ
بولنان قاضى قريه سنده جعفر اغا محله سنده يغورتجى
چشمه سى جاده سنده بر طرفى مناستر باغچه سى و ديكر
طرفى مخاص بك عرصه سى و بر طرفى طريق خاص
و طرف رابى طريق عام ايله محدود ايكي يوز تيش
ذراع اوزرينه انشا ايدلمش يارم كار كير ايكي قات اون
ايكى اوطه و بر صالون و بر مرمر طاشلى حولى و ايكى
آبدستخانه و خارجاً بر كير مطبخ و بر قيو و خارجاً
بر آخور و بر عربه لى و التى بيك سكر يوز يكرمى
ذراع باغچه و باغچه دروننده بر بيوك بوستان قيو سى
واشجار مشمره و غير مشمره يى حاوى اوتوز التى
نومرولى مديون مومى اليك متصرف اولدينى كوشك
و قهرمانك تاريخ اعلاندن اعتباراً اجرا قانونى احكامنه
توفيقاً اون بش كون صكره بالمزايده فروخته مبادرت
اوله جنى اسكدار بدایت محكمه سى اجرا دائره سندن
اعلان اولنور .

متوفى پوزايريان مارغوص افانك ورنه سندن
كريمه سى مانليك و مخدومى قيربك ، متوفى پوزايريان
ورنه سى مقال ايله آندون و پوزانت افنديلر ذمتنده
با اعلام آله جقلىرى بولنان مبالغك تأمين استيفاسى
ضمننده حجز آلتنه النان در سعادتده فسادده بلاط
جاده سنده صوباشى عبدى اغا محله سنده بر طرفى

نيقولى عرصه سى و ديكر طرفى قلعه ديوارى
و بر طرفى قونيقه قادينك عرصه سى و طرف رابى
طريق عام ايله محدود مديون مرقومانك ربع حصه لرينه
تفريق اولنمش تخميناً التمش اوج آرشوندن عبارت
قرق طقوز نومرولى بر باب آخور عرصه سى بيك
بشيوز وينه چنكل قريه سنده بيكار دره سنده قيو جينك
باغى ديمكله معروف باغك ايكي طرفى قانتقو قادينك
باغى و بعضاً قوچو و نعلبند حاجى احمد افندى ورنه سى
باغى و طرف رابى طريق عام ايله محدود دروننده
ايكى قات التى اوطه و بر صوفه و بر قيو ايكي آبدستخانه
و بر مطبخ و آلتنده بر آخور و يارم كار كير كوشك ايله
ينه درون باغده اوجيوز آرشون محله ايكي اوطه
و بر صوفه و بر آبدستخانه و آلتنده التى حيوان استيعاب
ايدر آخور محلى و درون باغده صولرى لذيد جسم
درت عدد بوستان قيو سى و اشجار مشمره و غير مشمره يى
حاوى تخميناً تيش ايكي دونم اون اوج نومرولى باغ
محلى ايله اسكا مربوط بر طرفى مصطفى افندى
ورنه سى باغى و ديكر طرفى حسيب پاشا دره سى و ديكر
طرفى قواص باشى احمد افندى باغى و طرف رابى
طريق عام ايله محدود تخميناً اوج دونم متصرف
اولدقلى دولق محلى اون يدى بيك غروشده
طالبرى عهده سنده تقرر ايتمش اولديغندن بر ماء
ختمانده قرار قطعيلى و يريله چكى جهته يوزده بش
ضميله زياده يه طالب اولنلرك مدت مذكورده ظرفنده
اسكدار بدایت محكمه سى اجرا دائره سنه مراجعت
ايللرى اعلان اولنور .

محكمه صغير بدایت محكمه سى اجرا دائره سنده :

در سعادتده مقيم بدستانى حاجى محمد افندي نك
عادل بك ذمتنده كوچك چكمجه بدایت محكمه سى
حقوق قسمندن استحصال ايلديكى بر قطعه اعلام
موجبجه آلاجنى اولان اللى سكر عدد ليراي عثمانيك
تأمين استيفاسى ضمننده مرهون و فروختى محكوم
بولنان مقرى كوينده آق صو جاده سنده كائن وقف
بر باب خانه ايله باغچه نك نصفى طقوز بيك غروشده
طالبي عهده سنده تقرر ايدرك قراردادده سى كشيده
اولنمش و تاريخ اعلاندن اعتباراً اوتوز بركون ظرفنده
احاله قطعيه سى مقرر بولنمش اولديغندن مدت مذكورده
ختمانده دككين يوزده بش ضميمه طالب اولانلرك
وبوندن زياده تفصيلات آلتى استيانلرك محكمه مذكورده
اجرا دائره سنه مراجعت ايللرى اعلان اولنور .